

# Life For Life · লাইফ ফর লাইফ

জীবন জীবনের জন্য · সরকার অনুমোদিত স্বচ্ছসেবী প্রতিষ্ঠান · রেজি. নং নাট/৬৩২/১৭ · কানাইখালী, নাটোর

## শিক্ষা বৃত্তি ও চিকিৎসা সহায়তা নীতিমালা

খসড়া — কার্যনির্বাহী পরিষদের অনুমোদনের পর ওয়েবসাইটের "সহায়তার আবেদন" পেজে প্রকাশিত হবে। টাকার অঙ্ক তহবিলের অবস্থা অনুযায়ী প্রতি বছর পরিষদ ঠিক করবে।

### ১. সাধারণ নিয়ম

- আবেদনকারী বা তাঁর পরিবারকে নাটোর জেলার স্থায়ী বাসিন্দা হতে হবে।
- আবেদন অনলাইনে (ওয়েবসাইট) বা সংগঠনের কার্যালয়ে কাগজের ফরমে করা যাবে।
- সব তথ্য ও কাগজপত্র যাচাই করা হবে; মিথ্যা তথ্য দিলে আবেদন বাতিল ও প্রদত্ত সহায়তা ফেরতযোগ্য হবে।
- সহায়তা সরাসরি প্রতিষ্ঠান (বিশ্ববিদ্যালয়/হাসপাতাল), ব্যাংক চেক বা মোবাইল ব্যাংকিংয়ে দেওয়া হবে; নগদ হাতে দেওয়া হবে ব্যতিক্রম ক্ষেত্রে।
- একই ব্যক্তি একই অর্থবছরে একই খাতে একবারের বেশি সহায়তা পাবেন না (পরিষদ বিশেষ বিবেচনায় ব্যতিক্রম করতে পারে)।
- সুবিধাভোগীর ছবি বা নাম প্রকাশ করা হবে শুধু লিখিত সম্মতি নিয়ে।

### ২. শিক্ষা বৃত্তি ও ভর্তি সহায়তা

| বিষয়         | নিয়ম                                                                                                                             |
|---------------|-----------------------------------------------------------------------------------------------------------------------------------|
| কারা পাবে     | দরিদ্র পরিবারের মেধাবী শিক্ষার্থী — এসএসসি/এইচএসসি উত্তীর্ণ হয়ে উচ্চশিক্ষায় ভর্তি হচ্ছে, অথবা স্কুল-কলেজ-মাদ্রাসায় অধ্যয়নরত   |
| ফলাফল         | সর্বশেষ পাবলিক পরীক্ষায় জিপিএ ৪.০০ বা তদুর্ধ্ব; বিশ্ববিদ্যালয়ে ভর্তির ক্ষেত্রে মেধাতালিকায় স্থান                               |
| পারিবারিক আয় | পরিবারের মাসিক আয় পরিষদ নির্ধারিত সীমার নিচে (স্থানীয় জনপ্রতিনিধি/প্রতিষ্ঠান প্রধানের প্রত্যয়ন লাগবে)                          |
| ধরন           | (ক) এককালীন ভর্তি সহায়তা; (খ) মাসিক/বার্ষিক বৃত্তি — নবায়নের জন্য প্রতি বছর ফলাফল জমা দিতে হবে                                  |
| কাগজপত্র      | আবেদন ফরম, ছবি ২ কপি, মার্কশিট/সনদের কপি, ভর্তির প্রমাণ (ভর্তি স্লিপ/মেধাতালিকা), জন্মনিবন্ধন বা এনআইডির কপি, আয়ের প্রত্যয়নপত্র |
| অগ্রাধিকার    | এতিম, প্রতিবন্ধী, দিনমজুর পরিবারের সন্তান ও ছাত্রী                                                                                |

### ৩. চিকিৎসা সহায়তা

| বিষয়     | নিয়ম                                                                               |
|-----------|-------------------------------------------------------------------------------------|
| কারা পাবে | অসহায়-গরীব রোগী, যাঁর পরিবার চিকিৎসার খরচ বহন করতে অক্ষম                           |
| যে খরচে   | অস্ত্রোপচার, হাসপাতালে ভর্তি, জরুরি ওষুধ, ডায়ালাইসিস/কেমোথেরাপির মতো চলমান চিকিৎসা |

|                |                                                                                                                          |
|----------------|--------------------------------------------------------------------------------------------------------------------------|
| কাগজপত্র       | আবেদন ফরম, রোগীর ছবি, চিকিৎসকের ব্যবস্থাপত্র ও খরচের প্রাক্কলন, হাসপাতালের কাগজ, এনআইডি/জন্মনিবন্ধন, আয়ের প্রত্যয়নপত্র |
| জরুরি ক্ষেত্রে | সভাপতি ও সাধারণ সম্পাদক যৌথভাবে তাৎক্ষণিক অনুমোদন দিতে পারবেন; পরবর্তী সভায় অনুমোদন নিতে হবে                            |
| অগ্রাধিকার     | প্রাণঘাতী অবস্থা, শিশু ও বয়স্ক রোগী                                                                                     |

## ৪. আবেদনের ধাপ

১. ওয়েবসাইটে "সহায়তার আবেদন" ফরম পূরণ ও কাগজপত্র আপলোড (অথবা কার্যালয়ে জমা)।
২. আবেদন নম্বর SMS-এ যাবে; সেই নম্বর দিয়ে ওয়েবসাইটে অবস্থা দেখা যাবে।
৩. দায়িত্বপ্রাপ্ত সদস্য সরেজমিন যাচাই করবেন (সাধারণত ৭ কার্যদিবসের মধ্যে)।
৪. কার্যনির্বাহী পরিষদের সভায় সিদ্ধান্ত ও সহায়তার পরিমাণ নির্ধারণ।
৫. সহায়তা প্রদান, রসিদ গ্রহণ এবং (সম্মতি থাকলে) ওয়েবসাইটে প্রকাশ।

**অবস্থা:** নতুন → যাচাই চলছে → অনুমোদিত / বাতিল → সহায়তা দেওয়া হয়েছে।

যোগাযোগ: +8801767482722, +8801793501251, +8801556319539 · lifeforlifefb@gmail.com